

MAELE A GO SEKETSA METSI

Setswana

Ka fa lapeng/kwa mafelong a kgweho

- Tswala metsi mo pompong fa o tthapa sefatlhego, meno kgotsa fa o tlosa ditedu.
- Dirisa šawara mo metsotsong e le metlhanano ka letsatsi, boemong jwa go tthapela ka fa bateng e kgolo. Seno se tla dirisa halofo ya metsi a a kabong a dirisitswe fa o tthapela ka fa bateng e kgolo, mme se ka boloka dilitara di le 400 ka beke.
- Go tthapa ka šawara go ka dirisa dilitara di ka nna 20 ka motsotso.
- Fa e le gore o batla go dirisa bata e kgolo, o seke wa e tlatša metsi.
- Fa o dirisa bata e kgolo o ka dirisa dilitara tse di mo magareng ga di ka nna 80 le 150 tsa metsi mo bateng e le nngwe.
- ✓ Dirisa dikhurumelo tsa šawara tse di ntshang metsi a mannye, dikgamelo tsa metsi tse di tsamaisang mantle kwa dintwanaboithusetsong tse di nang le dikonopi di le pedi tse di bulelang metsi a mantši le a mannye mmogo le metšhini ya go tthatswa e e somareleng metsi.
- Kettlele ga e a tshwanela go tlatšwa peepee mme e tshwanetse go ka tshelwa metsi a a lekaneng go ka dirisiwa. Seno se tla fokotsa ditulelo tsa motlakase.
- Se tlatše metsi go feta tekano mo didirisiwang tsa ka fa ntlong tse di jaaka dipitsa, ka seno se ka dira gore o dirise motlakase o montši fa o bedisa metsi.
- Go fokotsa metsi a a tsamaisang mantle ka bo ona fela go ka seketsa 20% ya metsi otlhe a a dirisiwang. Seno se ka diriwa ka go lokela lebotlolo la senotsididi la dilitara di le pedi, le tshetswe metsi le mmu o monnye gore le nne boketenyanana, ka fa gare ga kgamelo ya metsi.
- Baakanya peipe ya ntwanaboithusetso e e dutlang ka gonne e ka senya dilitara di le 100 000 tsa metsi mo ngwageng o le mongwe.
- Efoga go bulela metsi a go tsamaisa leswe kwa ntwanaboithusetsong go sa tlokgagale. Lathela dithišu, ditshenekegi le ditlakala tse dingwe ka fa mokotleng wa ditlakala boemong jwa go di tsamaisa ka metsi mo ntwanaboithusetsong. Gangwe le gape fa o tsamaisa mantle kwa ntwanaboithusetsong, o dirisa dilitara di le 12 tsa metsi.
- Dirisa metsi a a dirisitsweng - metsi a go tthapilweng ka one, a go tthatswitsweng ka one le a a babalesegileng ao a dirisitsweng fela gongwe - go ka tsamaisa mantle kwa dintwanaboithusetsong.
- O se tshele metsi go feta selekano mo mogobeng wa go thumela kgotsa go o tthatswa ka metsi a mantši.
- Dirisa kgamelo boemong jwa lethompo go tthatswa sejanaga sa gago. Fa o gapeletsega go dirisa lethompo, le tsenye sekhurumetšwana sa go gasa metsi se se kgonang go le tswala fa o sa gase metsi mo sejanageng. Fa o dirisa lethompo la tshingwana o ka dirisa dilitara di le 30 tsa metsi ka motsotso.
- O seke wa tshela dikhemikhale kgotsa pente ka fa moselong wa leswe.
- Balemiruri ba tshwanetse go netefatsa gore dikhemikhale tse di kotsi tse ba di dirisang kgatlanong le ditshenekegi ga di atumele metswedi ya metsi.
- Difeme di tshwanetse go ikelatlhoko gore ba tsholela mekhuri le diedi tse dingwe tse di kotsi mo metsing a a sa dirisiwang.
- Batho ba tshwanetse go tlokomela gore ga ba dirise dinoka le masi a dinoka jaaka dintwana-boithusetsi.

Mo tshingwaneng

- Ka gale nosetsa dijalo tsa gago mo mosong kgotsa maitseboa, fa mogote o se bogale jalo. Magareng ga 10:00 le 15:00 90% ya metsi e ka go latlhegela ka ntliha ya moafalo.
- Gangwe le gape fa o apaya mae ka metsi, dirisa metsi ao fa a ruwetse go nosetseng dijalo tsa gago. Di tla unngwelwa go tswa mo dikotleng tse di tswang mo dikgapetleng tsa one.
- Jala dijalo tsa naga le tse di sa nwegeng metsi a mantši tsa naga (fela e seng dijalo tseo di ka tlišang kotsi).
- Kgobokanya dijalo go ya ka dithokwa tsa tsone tsa metsi le go di petela.
- Se nosetse ditshingwana gangwe le gape, fela o nosetse sentle. Fa o dirisa lethompo la tshingwana o ka dirisa dilitara di le 30 tsa metsi ka motsotso.
- Tlosa dijalo tsa naga tseo di tlišang kotsi mo lefelong la gago.
- Metsi a pula le one a ka bolokiwa go nna le mosola mo ditankeng gore a nosetse ditshingwana..
- Dirisa metsi a a dirisitsweng - metsi a go tthapilweng ka one, a go tthatswitsweng ka one le a a babalesegileng ao a dirisitsweng fela gongwe - go nosetsa tshingwana ya gago.



water & sanitation

Department:
Water and Sanitation
REPUBLIC OF SOUTH AFRICA